

OKVIRNI SPORAZUM

za nabavku hrane, pića i srodnih proizvoda za ugostiteljstva

I SPORAZUMNE STRANE

KJP ZOI'84 OCS d.o.o.

Sjedište: Alipašina bb, 71000 Sarajevo
Koje zastupa direktor prof. Kenan Magoda
Identifikacijski broj: 4200347000004
(u daljem tekstu: Ugovorni organ)

i

PENNY plus d.o.o. Sarajevo

Sjedište: Igmanska bb, 71320 Vogošća
Kojeg zastupa direktor Almedin Kadrić
Identifikacijski broj: 4200162210002
Transakcijski broj banke, ime i sjedište banke: 141-001-00101628-55, BBI Sarajevo
(u daljem tekstu: Dobavljač)

II PREDMET SPORAZUMA

Član 1.

Predmet ovog Sporazuma je nabavka hrane, pića i srodnih proizvoda za ugostiteljstvo podijeljeno na lotove kako slijedi: LOT 1.- Gazirani negazirani sokovi i slični napitci, LOT 2.- Ostali prehrambeni proizvodi, LOT 3.- Alkoholna pića, LOT 4.- Kafa, LOT 5.- Čajevi, LOT 6.- Meso i mesni proizvodi, LOT 7.- Voda, LOT 8.- Smrznute pite, LOT 9.- Smrznuto voće i povrće i LOT 10.- Pekarski proizvodi, prema Tenderskoj dokumentaciji ugovornog organa, Broj: 3135/19 od 13.11.2019. godine i ponudi Dobavljača za Lot 1 broj: 04/12/19/01 od 04.12.2019. godine, za Lot 2 broj: 02/04/12/19 od 04.12.2019. godine, za Lot 3 broj: 04/12/19/03 od 04.12.2019. godine, za Lot 4 od 04.12.2019. godine, za Lot 5 broj: 04/12/19/05 od 04.12.2019. godine, za Lot 6 broj: 04/12/19/06 od 04.12.2019. godine, za Lot 7 broj: 04/12/19/07 od 04.12.2019. godine, za Lot 8 broj: 04/12/19/08 od 04.12.2019. godine, za Lot 9 broj: 04/12/19/09 od 04.12.2019. godine i za Lot 10 broj: 04/12/19/10 od 04.12.2019. godine koji su u prilogu ovog Sporazuma i čine njegov sastavni dio.

III CIJENA I NAČIN PLAĆANJA

Član 2.

(1) Okvirni Sporazum se zaključuje sa ukupnom vrijednosti u iznosu od **250.000,00 KM** (Slovima: dvijestotinepedesethiljada i 00/100 KM) bez uključenog PDV-a, razvrstano po lotovima kako slijedi:

- Za Lot 1 do 50.000,00 KM bez PDV-a
- Za Lot 2 do 35.000,00 KM bez PDV-a
- Za Lot 3 do 40.000,00 KM bez PDV-a
- Za Lot 4 do 15.000,00 KM bez PDV-a
- Za Lot 5 do 15.000,00 KM bez PDV-a
- Za Lot 6 do 35.000,00 KM bez PDV-a
- Za Lot 7 do 15.000,00 KM bez PDV-a
- Za Lot 8 do 20.000,00 KM bez PDV-a
- Za Lot 9 do 20.000,00 KM bez PDV-a

Za Lot 10 do 5.000,00 KM bez PDV-a odnosno **292.500,00 KM** (Slovima: dvijestotinedevedesetdvijehiljadepetstotina i 00/100 KM) sa uključenim PDV-om.

(2) Roba iz člana 1. ovog Sporazuma će se plaćati prema utvrđenim jediničnim cijenama iz Ponude Dobavljača za Lot 1 broj: 04/12/19/01 od 04.12.2019. godine, za Lot 2 broj: 02/04/12/19 od 04.12.2019. godine, za Lot 3 broj: 04/12/19/03 od 04.12.2019. godine, za Lot 4 od 04.12.2019. godine, za Lot 5 broj: 04/12/19/05 od 04.12.2019. godine, za Lot 6 broj: 04/12/19/06 od 04.12.2019. godine, za Lot 7 broj: 04/12/19/07 od 04.12.2019. godine, za Lot 8 broj: 04/12/19/08 od 04.12.2019. godine, za Lot 9 broj: 04/12/19/09 od 04.12.2019. godine i za Lot 10 broj: 04/12/19/10 od 04.12.2019. godine, koje se neće mijenjati tokom sporazumnog perioda.

Član 3.

(1) Dobavljač će ispostaviti fakturu nakon isporuke predmetnih roba i kvalitativnog i kvantitativnog prijema istih od strane ugovornog organa.

(2) Ugovorni organ će izvršiti plaćanje najkasnije u roku od 60 dana od dana isporuke i dostavljane otpremnice kojom je potvrđena isporuka predmetne robe i fakture Dobavljača.

(3) Mjesto isporuke za sve lotove Ski centar-Bjelašnica-restoran Beneton i Zetra-Alipašina bb

Član 4.

Za koordinaciju operativnih aktivnosti na realizaciji ovog Sporazuma, na način i u ugovorenim rokovima, imenuju se:

- a) za Ugovorni organ: Emir Krajina
- b) za Dobavljač: Kenan Zećo

IV GARANCIJA ZA DOBRO IZVRŠENJE UGOVORA

Član 5.

(1) Dobavljač se obvezuje ugovornom organu u roku od 15 (patnaest) radnih dana od dana stupanja ovog Sporazuma na snagu dostaviti bankarsku garanciju na iznos od 5% ugovorene vrijednosti sa PDV-om, kao garanciju za uredno izvršenje ugovora, sa rokom važnosti 13 mjeseci naplativom na prvi poziv.

(2) Garantne dokumente nasloviti i dostaviti na adresu: "KJP ZOI'84 OCS d.o.o. Sarajevo, ul Alipašina bb, 71000 Sarajevo. Bankovna garancija za uredno izvršenje ugovora će poslužiti za pokrivanje svake štete i troškova koje ugovorni organ može imati ukoliko Dobavljač usluga prekrši bilo koju odredbu ugovora o nabavci predmetnih usluga nakon što se isti prethodno obavijesti o eventualnim propustima i pozove da otkloni takve propuste.

(3) Ukoliko ne nastupi ni jedan od slučajeva koji bi zahtijevao realizaciju garancije za uredno izvršenje ugovora, ugovorni organ vrši povrat garancije za uredno izvršenje ugovora u roku od 30 dana od isteka roka njenog važenja.

(4) Dobavljač snosi odgovornost za sve, materijalne i nematerijalne, štete nastale Ugovornom organu i trećim osobama krivicom Dobavljača kao i sve štete nastale od opasne stvari i opasne djelatnosti, tijekom izvršenja predmeta ovog sporazuma.

(5) Bankarska garancija mora biti neopoziva, bezuvjetna, plativa na prvi poziv, bez prava na prigovor i primjedbe.

V ROK, MJESTO I NAČIN ISPORUKE ROBA

Član 6.

(1) Dobavljač se obavezuje da:

- a) odgovara ugovornom organu za kvalitet roba u roku označenom na deklaraciji proizvoda;
- b) robu u slučaju potrebe isporučuje propisno upakovanu, kako bi se smanjila mogućnost oštećenja prilikom transporta i svojim potpisom na otpremnici garantuje da je roba transportovana u skladu sa važećim propisima;
- c) ukoliko se propisima o zdravstvenoj ispravnosti zahtjeva posebno pakovanje, oblik deklaracije ili prilaganje potvrda o kontroli roba koje se stavljaju u promet, sva preuzeta roba zadovoljava te uslove;
- d) da sva roba (hrana) mora biti predana u dobrom, svježem stanju, bez stranih mirisa, prebojavanja ili znakova kvarenja i pod odgovarajućim temperaturnim režimom;
- e) osigura deklaraciju na svakom pojedinačnom pakovanju (komadu) robe koja će biti ovjerena od strane Dobavljača;
- f) pojedinačnu isporuku vrši na osnovu pisanog zahtjeva Ugovornog organa u roku od 5 (pet) dana od dana dostavljanja pisanog zahtjeva izabranom Dobavljača;
- g) robu, koja nije u skladu sa traženom, koja ima oštećenja ili vidljive nedostatke ili odstupanja od tražene a koja nije nastala greskom Ugovornog organa, zamijeni ispravnom u roku od 3 (tri) dana od dana prijema reklamacije Ugovornog organa.

(2) Dobavljač će robu isporučivati na lokaciju ugovornog organa Ski centar-Bjelašnica-restoran Beneton i Zetra-Alipašina bb, a u skladu sa obrascem za cijenu ponude i tehničkim specifikacijama koji su sastavni dio ovog Sporazuma..

VI STUPANJE NA SNAGU I RJEŠAVANJE SPOROVA

Član 7.

(1) Ovaj Sporazum stupa na snagu danom obostranog potpisivanja od strane ovlaštenih lica sporazumnih strana, a zaključuje se na period od 12 mjeseci.

(2) Utroškom sredstava Ugovorni organ iz člana 2. ovog Sporazuma, ovaj Sporazum prestaje da važi, o čemu Ugovorni organ obavještava Dobavljača.

(3) Ugovorni organ će predmet Sporazuma iz člana 1. ovog Sporazuma nabavljati zavisno od svojih potreba za vrijeme trajanja ovog Sporazuma.

(4) U slučaju kašnjenja u isporuci roba, do kojeg je došlo krivicom Dobavljača, isti će platiti Ugovornu kaznu u skladu sa Zakonom o obligacionim odnosima u iznosu od 1% ukupne vrijednosti narudžbenice po kojoj je došlo do kašnjenja (i u slučaju djelimične isporuke – kašnjenja, kamate se obračunavaju na ukupnu vrijednost narudžbenice), za svaki dan kašnjenja do urednog ispunjenja, a najdalje 10 kalendarskih dana s tim da ukupan iznos ugovorene kazne ne može preći 10% od ukupne vrijednosti narudžbenice.

(5) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Dobavljača nije mogao uticati niti ih predvidjeti.

(6) Plaćanje ugovorene kazne (penala) ne oslobađa Dobavljača od njegovih obaveza da pruži usluge, niti ga oslobađa od nekih drugih obaveza i odgovornosti po ovom Sporazumu.

Član 8.

U sporazumnom periodu, sporazumne strane imaju pravo da za predmet Sporazuma opisan u članu 1. ovog Sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama Bosne i Hercegovine, u pogledu svakog od ugovora koji su zaključeni po osnovu ovog Okvirnog sporazuma.

Član 9.

Svaka ugovorna strana može pokrenuti postupak raskida Sporazuma ako druga strana ne izvršava preuzete utvrđene obaveze, uz otkazni rok od 15 dana.

Član 10.

Eventualno nastale sporove pri realizaciji ovog Sporazuma, sporazumne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VII OSTALE ODREDBE

Član 11.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 12.

Za sve što nije regulisano ovim Sporazumom primjenjivaće se odredbe propisa Zakona o obligacionim odnosima u Bosni i Hercegovini.

Član 13.

Punovažne i obavezujuće su samo one izmjene i dopune ovog Sporazuma koje su sporazumne strane sačinile sporazumno i u pisanoj formi.

Član 14.

Ovaj Sporazum je sačinjen u 6 (šest) istovjetna primjerka od kojih svaka sporazumna strana zadržava po 3 (tri) primjerka.

Za Dobavljača

Za Ugovorni organ

Almedin Kadrić, direktor

Prof. Kenan Magoda, direktor

Datum: _____ 2020. godine

Datum: 13.01.2020. godine

Broj:

Broj: 052/20